

## **12. LIGA 2ª DIVISIÓN CADETE MASCULINA-MIXTA**

### **12.1. CAMPIONATO DE 2ª DIVISIÓN CADETE MASCULINO-MIXTA**

Esta competición estará formada polos equipos inscritos ao comezo da tempada.

A organización da competición será comunicada unha que vez se distribúan os grupos que conformarán a citada liga.

### **12.2. DATA DE INSCRICIÓN E EQUIPOS PARTICIPANTES**

Data tope de inscrición: 01 de outubro ás 18.00 horas.

Poderán participar os equipos de categoría Cadete Masculina-Mixta que se inscriban especificamente no campionato de 2ª División Cadete masculina-mixta nos prazos previstos nestas bases de competición.

### **12.3. XOGADORES**

A data límite para dar de alta xogadores/as nesta categoría será o 28 de febreiro do 2020. Nesta competición permitirase un máximo de 15 xogadores/as que poderán ter licenza por un equipo, se ben só se poderán aliñar un máximo de 12 xogadores/as por partido.

No caso dos equipos mixtos deberáse ter a autorización previa da Secretaría Xeral para o Deporte da Xunta de Galicia e da FGB. Para isto o club enviará un escrito fundamentado coa solicitude e os datos das xogadoras

Excepcionalmente na Fase de Ascenso permitirase que como máximo tres xogadores/as pertencentes a outro equipo do club e da mesma categoría poidan ser aliñados.

### **12.4. ARBITRAXES**

As arbitaxes serán autonómicas.

### **12.5. FORMA DE XOGO**

#### **Liga Regular**

Os equipos inscritos dividiranse en grupos dun máximo de 12 equipos a ser posible, distribuídos por proximidade xeográfica. A distribución, composición e número de integrantes dos grupos efectuaráa o Comité de Actividades da FGB.

Nestes grupos xogarase unha liga a dobre volta todos contra todos (22 xornadas

máximo).

### **Datas de Xogo**

Outubro: 13, 20, 27  
Novembro: 3, 10, 17, 24  
Decembro: 1, 15, 22  
Xaneiro: 12, 19, 26

Febreiro: 2, 9, 16, 23  
Marzo: 1, 8, 15, 22, 29  
Abril: 5, 19

### **Fase de Ascenso**

Clasificaranse para a Fase de Ascenso os primeiros clasificados de cada un dos grupos (ata un máximo de 8 equipos) e distribuiranse de novo por proximidade xeográfica en grupos de 4 equipos máximo, que xogarán unha liga a dobre volta (6 xornadas). Esta fase poderá tamén xogarse por sistema de *play-off*, a criterio do Comité de Actividades da FGB.

A continuación disputarase unha eliminatoria entre o primeiro clasificado de cada un dos grupos para designar o campión desta división, podendo ser a partido único na sé designada pola Federación Galega de Baloncesto ou a ida e volta nunha fin de semana (a criterio do Comité de Actividades) xogándose o segundo encontro na casa do equipo con mellor clasificación segundo o seguinte criterio:

- 1º.- Con máis puntos na clasificación xeral.
- 2º.- Con máis encontros gañados.
- 3º.- Con mellor basquetaveraxe.

O equipo campión da fase de ascenso ascenderá a Liga de 1ª División Júnior Masculina na tempada 2019-20. No caso de que o equipo campión preferise xogar na 1ª división cadete deberá comunicalo por escrito antes do término da tempada (30 de xuño).

### **Datas de Xogo**

Abril: 26  
Maio: 3, 10, 17, 24, 31

Final: 6-7 xuño

Para a clasificación final terase en conta o seguinte:

- 1º.- Con máis puntos na clasificación xeral.
- 2º.- Con máis encontros gañados.
- 3º.- Con mellor basquetaveraxe.

Copa Primavera

Os equipos que non se clasifiquen para a Fase de Ascenso poderán disputar a Copa

Primavera, que ao efecto poderá organizar a FGB, sendo esta competición de carácter zonal e co formato que se estipule polo Comité de Actividades en base ás solicitudes para disputala.

## **12.6. BALON OFICIAL DE XOGO**

O balón oficial de xogo para esta categoría será de coiro da marca MOLTEN. Non empregar o balón oficial levará consigo a sanción prevista no regulamento disciplinario.

## **12.7. HORARIOS**

Os encontros terán que disputarse nos seguintes horarios:

Sábados: 10.00, 12.00 16.00, 18.00 ou 20.00 horas e domingos: 10.00, 12.00, 17.00 e 19:00 h.

Excepcionalmente e por causas de forza maior, a xuízo fundamentado do Comité de Actividades da FGB, este poderá autorizar algunha solicitude fóra dos prazos sinalados, sendo requisito indispensable para a súa consideración recibir na FGB a conformidade do equipo contrario.

Sempre que o equipo local fixe como horario de xogo as 10.00 h, ou o domingo ás 19.00 horas, e o equipo visitante así o requira, terá que fixarse como horario de xogo ás 12.00 h ou as 16.00 h, 18.00 h ou 20.00 horas se é sábado e as 12.00 ou as 17.00 horas se o encontro se disputa en domingo, sempre que o equipo que se despraza o faga dende máis de 100 km de distancia, previa solicitude por escrito con, polo menos, 7 días de antelación.

Os horarios dos encontros de cada xornada deberán remitirse vía correo electrónico á FGB o martes anterior ao encontro. De non facelo será potestade da FGB marcar o horario e o campo de xogo, sendo responsabilidade do equipo local ter o terreo de xogo libre. Así mesmo, o Comité de Actividades enviará os mércores a todos os participantes os horarios correspondentes a cada xornada. A FGB poderá autorizar como día de xogo os luns, martes, mércores, xoves e venres entre as 20.30 e as 21.15 h, salvo que o equipo que se desprace o faga dende máis de 25 km de distancia. Puntualmente calquera outro horario incluído calquera día da semana poderá ser autorizado pola FGB sempre que os equipos estean de acordo.

## **12.8. DATAS DE SORTEOS**

Liga Regular: 7 de outubro, ás 17.00 h, na sé que designe a FGB.  
Fase Ascenso: 20 de abril ás 17.00 horas.

## **12.9. TERREOS DE XOGO**

Cada club participante deberá contar cun terreo de xogo oficial. Este terreo de xogo

no que disputará os encontros deberá estar catalogado como mínimo como NIVEL II dentro da Normativa de Terreos de Xogo.

Nos encontros en que participen equipos que realicen desprazamentos e no caso de suspensión dese encontro por inclemencia atmosférica ou por calquera outra causa, este deberá celebrarse, obrigatoriamente, dentro das dúas horas seguintes á marcada para o seu comezo.

Así mesmo, se un club ofrece como cancha reserva unha cuberta e pechada para casos de inclemencia atmosférica, o partido deberá disputarse dentro do prazo sinalado anteriormente e nunha pista cualificada co mesmo nivel. Se finalmente, e por falta de previsión do equipo local, tivese que suspenderse definitivamente o encontro, o equipo local perderá este, sen descontárselle puntos na clasificación e sen que se considere incomparecencia.

### **12.10 COMUNICACIÓN DE RESULTADOS**

O árbitro principal e o club local están obrigados a introducir o resultado o mesmo día do encontro na oficina Web de árbitros ou clubs, segundo sexa o caso.